

Kunjungan Santai Jabatan Pendidikan Labuan kepada Pengerusi Perbadanan Labuan



Labuan, 27 September 2025 – Satu perjumpaan telah diadakan bersama Pengerusi Perbadanan Labuan, Dato' Mohd Husni Mohamad Salleh. Turut hadir, Ketua Pegawai Eksekutif Perbadanan Labuan, Mohd Sukuran bin Taib.

Rombongan dari Jabatan Pendidikan Wilayah Persekutuan Labuan diketuai oleh En.Yahya Ahmad Puteh, Pengarah Jabatan Pendidikan Labuan. Rombongan tersebut turut disertai Timbalan Pengarah Sektor Pengurusan Sekolah, Ketua-Ketua Penolong Pengarah serta pegawai dari Sektor Perancangan dan Sektor Infrastruktur dan Perolehan.

Pelbagai isu dan cadangan telah dibincangkan, khususnya yang berkaitan dengan usaha memperkukuh pembangunan pendidikan di Labuan. Matlamat utama perjumpaan ini

adalah memastikan setiap perancangan yang dilaksanakan memberi impak besar dan manfaat langsung kepada murid-murid Labuan.

Objektif Perjumpaan:

1. Membincangkan keperluan infrastruktur serta perancangan pendidikan di Labuan.
2. Memastikan inisiatif yang dirancang memberi impak positif kepada murid-murid.
3. Memperkukuh usaha pembangunan pendidikan demi masa depan generasi Labuan.

[#jpnwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





PECUTAN GEN MADANI LITERASI KHATAM AL-QURAN PERKUKUH BACAAN MURID TAHUN 6 LABUAN



LABUAN, 27 September 2025 – Program Pecutan Gen Madani Literasi Khatam al-Quran Peringkat Jabatan Pendidikan Wilayah Persekutuan Labuan berjaya dilaksanakan di Masjid Jamek An Nur dengan penyertaan seramai 150 orang murid Tahun 6.

Program ini bertujuan memperkukuh penguasaan bacaan al-Quran dalam kalangan murid khususnya dari aspek bacaan dan sebutan yang betul, sekali gus memastikan mereka berjaya khatam al-Quran sebelum melangkah ke sekolah menengah.

Seramai 25 orang fasilitator yang terdiri daripada guru Pendidikan Islam sekolah rendah di seluruh Wilayah Persekutuan Labuan telah membimbing peserta sepanjang program berlangsung dengan pengelolaan utama oleh SK Patau-Patau.

Menurut urus setia program, Ustazah Sanisah Zulkifle, pelaksanaan program ini diharap dapat memberi impak positif dalam membudayakan al-Quran di sekolah serta menyokong usaha melahirkan Generasi Madani yang celik al-Quran.

Objektif utama program ini adalah:

1. Meningkatkan kadar khatam al-Quran – sekurang-kurangnya 50% murid Tahun 6 di wilayah ini berjaya khatam sebelum tamat persekolahan rendah.
2. Memperbaiki bacaan al-Quran – membantu murid menyempurnakan bacaan dengan tajwid dan sebutan yang betul.
3. Melahirkan generasi celik al-Quran – menyokong matlamat Kementerian Pendidikan Malaysia (KPM) dalam membentuk generasi yang mahir membaca al-Quran serta berakhlak mulia.

Menariknya, konsep “Pecutan” dalam program ini merujuk kepada usaha mempercepatkan pencapaian khatam al-Quran melalui sesi bimbingan intensif. Murid yang berada pada juzuk pertengahan hingga akhir (Juzuk 10 ke atas atau dalam julat Juzuk 16–25) diberikan tumpuan khusus untuk menghabiskan bacaan mereka dalam tempoh masa program ini berlangsung.

Secara keseluruhan, program ini bukan sahaja memberi peluang kepada murid meningkatkan mutu bacaan, malah diyakini mampu melahirkan Generasi Madani yang berilmu, beriman dan berakhlak tinggi, selaras dengan aspirasi pendidikan negara.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)













Mesyuarat Perancangan & Pembangunan Pendidikan WP Labuan Tahun 2025



Labuan, 26 September 2025 – Sesi Libat Urus (SLU) dan Mesyuarat Jawatankuasa Perancangan dan Pembangunan Infrastruktur Pendidikan (JPPIB) Bilangan 2/2025 telah dilaksanakan pada 26 September 2025 (Jumaat).

Mesyuarat tersebut telah berlangsung dari jam 2.30 petang hingga 5.00 petang di Bilik Mesyuarat Botanikal, Jabatan Pendidikan WP Labuan, dengan dipengerusikan oleh Pengarah Pendidikan WP Labuan dengan kehadiran pegawai kanan jabatan, para pengetua dan guru besar serta guru pembangunan sekolah.

Antara agenda utama yang akan dibincangkan termasuk laporan status projek pembangunan dan penyelenggaraan semasa, cadangan projek pembangunan baharu, serta isu dan cabaran berkaitan pembangunan infrastruktur pendidikan di wilayah ini.

Jabatan Pendidikan WP Labuan berharap mesyuarat tersebut dapat memperkukuh perancangan strategik pembangunan pendidikan, selain memastikan projek-projek yang dirancang dapat dilaksanakan dengan berkesan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





Pertandingan Bicara Tokoh Peringkat Negeri W.P. Labuan 2025



Labuan, 24 September 2025 – Tahniah dan syabas diucapkan kepada semua peserta daripada kategori sekolah rendah dan sekolah menengah yang telah menunjukkan keberanian, kebijaksanaan serta semangat juang tinggi sepanjang pertandingan.

Pihak Muzium Labuan merakamkan setinggi-tinggi penghargaan kepada semua pihak yang terlibat – Jabatan Pendidikan W.P. Labuan, guru-guru pembimbing, ibu bapa serta para peserta yang telah menjayakan program ini.

Semoga program sebegini dapat terus melahirkan generasi

muda yang berilmu, berwawasan dan berkeyakinan tinggi demi masa depan negara.

Penafian: Muzium Labuan tidak bertanggungjawab terhadap sebarang lontaran pandangan dan pendapat. Raikan perbezaan dan kita sokong antara satu sama lain.

“Bersama kita membina tamadun, bersatu kita menuju kecemerlangan!” 

[#kementerianperpaduannegara](#)

[#jabatanmuziummalaysia](#)

[#MuziumKitaTamadunKita](#)

[#perpaduandalamkepelbagaian](#)

[#MalaysiaMadani](#)

Sumber Berita : FB Muzium Labuan





















Sesi Precouncil Dialog Prestasi Nasional Bilangan 2/2025 Jabatan Pendidikan Labuan



Labuan, 19 September 2025 – Jabatan Pendidikan Labuan telah mengadakan Sesi Precouncil Dialog Prestasi Nasional Bilangan 2 yang melibatkan pelbagai sektor utama, antaranya Sektor Perancangan, Sektor Pembelajaran, Sektor Pengurusan Sekolah, Sektor Pembangunan Murid dan Sektor Sumber Manusia.


Objektif utama sesi ini adalah untuk:


- ✅ Menyelesaikan isu-isu pendidikan yang berbangkit

- ✓ Menyediakan intervensi yang bersesuaian bagi menangani cabaran
- ✓ Merangka Way Forward ke arah penyelesaian yang lebih berkesan

Melalui sesi dialog ini, setiap sektor diberi ruang untuk mengemukakan pandangan serta cadangan intervensi, dengan hasrat memperkukuh keberkesanan sistem pendidikan di Wilayah Persekutuan Labuan.

[#jpwpl](#)
[#7TerasKPM](#)
[#MalaysiaMADANI](#)
[#PendidikanManusiawi](#)
[#TaatSetia](#)





Kunjungan Hormat Majlis Belia Labuan (MBL) Ke Pejabat Pengarah Pendidikan Labuan



Labuan, 19 September 2025 – Majlis Belia Labuan (MBL) yang diketuai oleh Presidennya, Cik Nazera Roslan hari ini telah mengadakan kunjungan hormat ke Pejabat Pengarah Pendidikan Labuan. Kunjungan tersebut disambut mesra oleh Yahya Ahmad Puteh, Pengarah Pendidikan Labuan.

Pertemuan tersebut bertujuan membincangkan potensi kerjasama strategik antara MBL dan Jabatan Pendidikan Labuan, khususnya dalam usaha meningkatkan pencapaian akademik anak-anak di Wilayah Persekutuan Labuan.

Kedua-dua pihak turut menekankan kepentingan penglibatan belia dalam mendokong agenda pendidikan demi melahirkan generasi muda yang lebih cemerlang dan berdaya saing serta berkarakter terpuji dan boleh diteladani.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)



Dialog Prestasi Negeri

Bilangan 2 Tahun 2025



Labuan, 8 September 2025 – Dialog Prestasi Negeri Bilangan 2 Tahun 2025 telah berlangsung di Dewan Persidangan, Mahkamah Syariah, Labuan. Dialog ini dipengerusikan oleh Pengarah Pendidikan Jabatan Pendidikan WP Labuan, YBrs. En. Yahya bin Ahmad Puteh, dengan kehadiran pegawai kanan pendidikan, pengetua sekolah menengah serta pegawai SIPartners+ dan SISC+.

Dialog ini memberi fokus kepada empat kluster utama, iaitu Kemenjadian Murid, Enrolmen Murid, Hal Ehwal Murid, dan Kecemerlangan Organisasi. Antara topik penting yang dibincangkan termasuklah pencapaian Percubaan SPM murid tingkatan 5, data PBD murid peralihan, enrolmen murid STEM, data kehadiran dan salah laku disiplin murid, amalan baik murid serta pelibatan guru Bahasa Melayu, Matematik, Sejarah dan Sains dalam latihan profesional.

Melalui sesi pembentangan tersebut, pelbagai dapatan prestasi dan trend pencapaian murid telah dikongsi, di

samping perbincangan mengenai usaha meningkatkan kualiti pendidikan dan pencapaian sekolah di Wilayah Persekutuan Labuan. Dialog ini menjadi platform penting dalam menilai prestasi semasa serta merancang strategi pendidikan yang lebih berkesan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)



PROGRAM PAMERAN KERJAYA CAREERS INSIGHT CAREER FAIR (CICF) 2025 PERINGKAT WP LABUAN



Labuan, 11 September 2025 – Program ini merupakan anjuran pihak Financial Industry Collective Outreach (FINCO) dengan kerjasama Jabatan Pendidikan WP Labuan yang diadakan di Dewan Juara SMK Labuan. Tujuan program ini adalah untuk memberi pendedahan dan bimbingan mengenai peluang dan hala tuju pada murid- murid WP Labuan.

Pameran PDRM juga memaklumkan kewujudan aplikasi semak mule PDRM, VSP, CCID Infoline, Facebook BSJK Labuan, JSJK Sabah serta Bukit Aman, National Scam Response Center

(NSRC-997), QR Code Modus Operandi Jenayah Komersil dan Aplikasi Whoscall yang boleh dimanfaatkan penggunaannya pada masa sekarang.

Selain itu pihak PDRM menasihatkan guru dan para pelajar agar sentiasa mengutamakan keselamatan diri dan harta benda. Pengedaran risalah berkaitan kes jenayah masa kini, kaedah pencegahan jenayah, lain-lain kesalahan termasuk penyalahgunaan dadah juga diberitahu semasa program ini.

[#polissabah](#)

[#PolisDanMasyarakatBerpisahTiada](#)

[#polisdaerahlabuan](#)

Sumber Berita : FB Polis Daerah Labuan









**SESI LAWATAN DARI JABATAN
PENDIDIKAN WILAYAH
PERSEKUTUAN LABUAN DAN
SABAH KE ASWARA**



Kuala Lumpur, 9 September 2025 – Sekitar lawatan dari Jabatan Pendidikan Wilayah Persekutuan Labuan dan Sabah ke ASWARA. Sesi lawatan ini bertujuan memberikan pendedahan yang lebih meluas kepada pegawai-pegawai dari Sektor Sumber dan Teknologi Pendidikan (SSTP), Jabatan Pendidikan Wilayah Persekutuan Labuan berhubung ekosistem pembelajaran serta kemudahan fasiliti yang disediakan di ASWARA selain usaha bersama dalam memartabatkan sektor pendidikan seni budaya dan warisan.

Antara pengisian utama dalam sesi lawatan ini merangkumi lawatan fasiliti ASWARA. Turut diadakan ialah sesi demonstrasi Wayang Kulit yang dipersembahkan oleh Adiguru ASWARA, Che Mohd Nasir Yusoff, yang membolehkan para pegawai memahami dengan lebih mendalam seni tradisi ini serta keunikan nilai budaya yang dipupuk kepada para pelajar ASWARA. Selain itu, delegasi juga berpeluang mengunjungi Fakulti Penulisan Kreatif dan Filem (FPKF), yang disertakan dengan tayangan filem pendek di Pawagam Jalan Ampas.

[#MyMOTAC](#)

[#ASWARAmelangkahkehadapanbersamatradisi](#)

[#MalaysiaMadani](#)

[#IhsanMADANI](#)

[#TaatSetia](#)

[#MalaysiaTrulyAsia](#)


[#RancakkanMADANI](#)

[#MADANIbekerja](#)

Sumber Berita : FB ASWARA











**PASUKAN BICARA BERIRAMA SK
SUNGAI BEDAUN KEKAL JUARA
TIGA TAHUN BERTURUT-TURUT**



Labuan, 26 ogos 2025 – Pasukan Bicara Berirama Sekolah Kebangsaan (SK) Sungai Bedaun muncul Johan Pertandingan Bicara Berirama Sekolah Rendah buat kali ketiga berturut-turut.

Naib Johan SK Pantai dan tempat ketiga SK Bukit Kalam. Pertandingan diadakan bersempena Karnival Bahasa Melayu Peringkat Labuan 2025 berlangsung di Dewan Serbaguna SJKC Chung Hwa.

Sebanyak 12 buah sekolah rendah mengambil bahagian, lima pasukan terbaik melangkah ke peringkat akhir.

Natanel Achang Henry dari tahun enam Baiduri diumumkan sebagai Konduktor Terbaik.

Kejayaan pasukan hasil bimbingan guru-guru berdedikasi, iaitu Shafawati Seliat, Nurdahlia Ankujau, Nadiah Mohd Ali dan Mohammad Iqbal Asjad Zamri.

Guru Besar SK Sungai Bedaun, Adam Abd Rahim berkata, pasukan SKSB bukanlah asing kerana pernah meraih pelbagai kejayaan di peringkat negeri dan kebangsaan.

Majlis penyampaian hadiah disempurnakan Timbalan Pengarah Sektor Pembangunan Murid, Jabatan Pendidikan Labuan, Awang Marten Abdul Rahman.

Dalam ucapannya, beliau menegaskan pertandingan Bicara Berirama mencungkil bakat berbahasa dalam kalangan murid dan membina keyakinan diri, semangat berpasukan serta jati diri sebagai penutur bahasa kebangsaan.

Pasukan SK Sungai Bedaun mewakili Labuan ke peringkat kebangsaan di Putrajaya pada 22 hingga 24 September 2025.

Sumber Berita : FB BES Labuan



